

der macht sie alle / Wer sie nicht alle macht /
der wird keine machen können / Vnd stimmet
also Mose vnd David mit Johanne vnd Pau
lo / die auch beide mit inen gleich sagen / Alle
ding sint durchs Wort / oder durch Christum
geschaffen vnd gemacht. Ist nu alles durch
in gemacht / vnd on in ist nichts gemacht /
wie der text aller vier Mose / David / Johans
nis vnd Pauli da stehen / So mus / vnter
dem / das sie ALLES heissen / begriffen
vnd nicht ausgeschlossen sein / die ausfirt aus
Egypten / vnd was mehr in dem Volck Israa
el geschehen ist / Ja alles was allenthalben
von anfang der Creaturn geschehen ist / noch
jmer geschicht vnd hinfort geschehen wird /
Denn es sind grosse Wichtige wort / da sie
sagen / Alles ist durch in gemacht / vnd wie
Mose redet. Gott sprach / Er werde / vnd es
ward also / Ob nu Mose nicht nennet den
Son oder Christum / nach der Grammatica /
So nennet vnd bekennet er doch / den sprach
oder wort / durch welchs alles gemacht ist /
damit er anzeigt / das in Gott / Ein ander ist /
der do spricht / vnd ein ander / der das Wort
ist / vnd doch ein einiger Schepffer aller Crea
turn ist / Denn es musste dem newen Testa
ment auch ettwas furbehalten sein / darin der
Vater / vnd der Son / vnd der Heilige geist
Erllicher genennet wurde / Welche im al
ten / Gott der sprecher / Das Wort / vnd der
M iij geist

scilicet

M iij geist